

ახალი სარაგაული

376 (7) 16 აპრილი, 2018 წ.

ხარაგაულის მუნიციპალიტეტის მერმა ახალშექმნილი ა(ა)იპ-ების დირექტორები თანამშრომლებს წარუდგინა

მუნიციპალიტეტის მიერ დაფუძნებული ა(ა)იპ-ების გაერთიანების შედეგად ხარაგაულში სამი ახალი ა(ა)იპი ჩამოყალიბდა, რომელთა დირექტორების დაინიშნის ბრძანებებს ხარაგაულის მერმა ნიკოლოზ თოფურიძემ ხელი უკვე მოაწერა.

რეორგანიზაციის შედეგად ხარაგაულში ამიერიდან ცხრა ა(ა)იპი გააგრძელებს ფუნქციონირებას. გაერთიანებული ა(ა)იპ-ის „სპორტისა და შიდა ტურიზმის ცენტრის“ დირექტორად გრიგოლ ჭიპაშვილი დაინიშნა, რომელიც ამ დრომდე ხარაგაულის მერიის ინფრასტრუქტურისა და კეთილმოწყობის სამსახურში ინფრასტრუქტურის განვითარების განყოფილების უფროსი გახლდათ. აღნიშნულ ა(ა)იპ-ში გაერთიანებულია ხარაგაულის სპორტის განვითარებისა და მართვის მუნიციპალური ცენტრი, საფეხბურთო კლუბი „ჩხერიმელა 2009“ და ხარაგა-



ულის მუნიციპალიტეტის განვითარებისა და შიდა ტურიზმის ხელშეწყობის ცენტრი.

ა(ა)იპ „კულტურისა და ხელოვნების ცენტრის“ დირექტორის თანამდებობა ნიკოლოზ მაჭავარიანმა დაიკავა, რომელსაც ამ დრომდე ცენტრალური ბიბლიოთეკის დირექტორის თანამდებობა ეკავა. ახალ ა(ა)იპ-ში გაერთიანებულია ცენტრალური ბიბლიოთეკა, ისტორიული მუზეუმი, კულტურის ცენტრი, ხალხური შემოქმედების სახლი და

ლიტერატურული თეატრი.

ა(ა)იპ „დასუფთავებისა და კეთილმოწყობის გაერთიანების“ დირექტორად კი თეიმურაზ ფურცელაძე დაინიშნა. იგი ამ დრომდე ა(ა)იპ „ხარაგაულდასუფთავების“ დირექტორის თანამდებობაზე მუშაობდა. ახალ ა(ა)იპ-ში გაერთიანდა „ხარაგაულკეთილმოწყობა“ და „ხარაგაულდასუფთავება“.

მუნიციპალიტეტის მერმა ნიკოლოზ თოფურიძემ ახალშექმნილი ა(ა)იპ-ების დირექტორები

თანამშრომლებს ოფიციალურად წარუდგინა. მერმა წარმატებები უსურვა ახალ ხელმძღვანელებს და მომავალში, ხარაგაულის განვითარებისთვის საერთო საქმეების კუთხეში, გვერდით დგომა აღუთქვა. მისივე თქმით, ახალშექმნილი ა(ა)იპ-ების დირექტორები გამოცდილი კადრები არიან და იმ პასუხისმგებლობას, რაც მათ აიღეს, გონივრულად გაართმევენ თავს და ბევრად უფრო მოქნილ მენეჯმენტს განახორციელებენ.

„თქვენ ხართ ღირებული ადამიანები, ამიტომ თითოეული თქვენგანის საქმიანობა იქნება დაფასებული. ყველაფერს გავაკეთებთ იმისთვის, რომ კომფორტულად იმუშაოთ და ნაკლებად მტკივნეული იყოს ის ცვლილებები, რომლებიც განხორციელდება. დავანებოთ თავი იმაზე ფიქრს - რა იყო გუშინ. ერთად ვიფიქროთ განვითარებაზე და ხვალინდელ დღეზე. სრული

დატვირთვით ვაგრძელებთ მუშაობას და მინდა იცოდეთ როგორც ადგილობრივი თვითმმართველობისგან, ისე მთავრობისგან გექნებათ მაქსიმალური ხელშეწყობა.“ - დასძინა ნიკოლოზ თოფურიძემ.

ხარაგაულის მერიამ უკვე გამოცა ბრძანება, ა(ა)იპ-ების - „მოსწავლე ახალგაზრდობის სახლი“, „სამუსიკო სკოლა“ და „სკოლამდელ დაწესებულებათა გაერთიანება“ - რეორგანიზაციის შეწყვეტის შესახებ.

შეგახსენებთ, რომ მუნიციპალიტეტის მერიის მიერ შექმნილი მუშაობის შედეგად პროექტის მიხედვით, აღნიშნული სამივე ა(ა)იპი უნდა გაერთიანებულიყო, თუმცა „ადრეული და სკოლამდელი აღზრდისა და განათლების შესახებ კანონის“ მიხედვით განსახორციელებელი რეფორმის გამო ა(ა)იპ-ები ვეღარ გაერთიანდა, რის გამოც ისინი დამოუკიდებლად განაგრძობენ ფუნქციონირებას.

საკაბაულის მერიის მიერ დაფუძნებული ა(ა)იპ-ების დირექტორები თანამშრომლებს წარუდგინა

ხარაგაულის მუნიციპალიტეტის სოფელ ჩრდილო გზის რეაბილიტაცია დაიწყო. პროექტის ფარგლებში, კაოთის უბანში, გზის 1 300-მეტრიანი მონაკვეთზე, ბეტონის საფარი დაიგება. რაც შეეხება კოშკის უბანს (1 100 მ), სამუშაოები უახლოეს მომავალში დაიწყება. პროექტი რეგიონული განვითარების ფონდიდან 323 500 ლარით დაფინანსდა. ადგილობრივი ბიუჯეტის თანამონაწილეობა კი 5 %-ს შეადგენს.

აღსანიშნავია, რომ ღარიხევში დასრულდა გზის სარეაბილიტაციო სამუშაოები, რომელიც ხარაგაულის მერმა ნიკოლოზ თოფურიძემ, ბაზალეთის ადმინისტრაციული ერთეულის წარმომადგენელ, თენგიზ ჭიპაშვილთან ერთად დაათვალიერა.

სოფელში ბეტონის საფარი 1 200 მეტრზე დაიგო. უახლოეს მომავალში გზის რეაბილიტაცია ქროლშიც დაიწყება.

„წინასწარჩვენოდ დაგვირდით, რომ ღარიხევში და ქროლში გზების რეაბილიტაცია აუცილებლად განხორციელდებოდა და დანაპირებს ვასრულებთ. ჩვენ ვმუშაობთ იმისათვის, რომ მოსახლეობას შევუქმნათ უკეთესი პირობები და სამი წლის განმავლობაში ხარაგაულის ყველა სოფელს ექნება ასეთივე მონესრიგებული გზა.“ - აღნიშნა მუნიციპალიტეტის მერმა ადგილობრივებთან გასაუბრებისას.

საკაბაულის მუნიციპალიტეტის მერმა ნიკოლოზ თოფურიძემ ინფრასტრუქტურის განვითარების სამსახურის უფროსთან, თემური თაბუკაშვილთან და ეკონომიკისა და ქონების მართვის სამსახურის უფროსს, ჯაბა ბერაძესთან ერთად ინფრასტრუქტურული პროექტების მონიტორინგი განახორციელა.

საკაბაულის მუნიციპალიტეტის მერმა ნიკოლოზ თოფურიძემ ინფრასტრუქტურისა და კეთილმოწყობის სამსახურის უფროსთან, თემური თაბუკაშვილთან და ეკონომიკისა და ქონების მართვის სამსახურის უფროსს, ჯაბა ბერაძესთან ერთად ინფრასტრუქტურული პროექტების მონიტორინგი განახორციელა.

მუნიციპალიტეტის მერმა სოფელ ბაზალეთში, რკინიგზის უბანში, რეაბილიტირებული გზა დაათვალიერა.

საკაბაულის მუნიციპალიტეტის მერმა ნიკოლოზ თოფურიძემ ინფრასტრუქტურისა და კეთილმოწყობის სამსახურის უფროსთან, თემური თაბუკაშვილთან და ეკონომიკისა და ქონების მართვის სამსახურის უფროსს, ჯაბა ბერაძესთან ერთად ინფრასტრუქტურული პროექტების მონიტორინგი განახორციელა.

ასევე, სტიქიის სალიკვიდაციოდ გამოყოფილი თანხით რეაბილიტაცია ჩაუტარდა ლაშის ადმინისტრაციული ერთეულის სოფელ უჩამეთში დაზიანებულ გზას. ბეტონის საფარი 77-მეტრიანი მონაკვეთზე დაიგო და საერთო ჯამში 18 877 ლარი დაიხარჯა.



მჯერა, ყველაფრის მიღწევა შესაძლებელია, თუ არის ნება და თავდადება...

ხარაგაულის მუნიციპალიტეტში უახლოეს პერიოდში ბევრი მასშტაბური პროექტის განხორციელება იგეგმება. მერიის მიერ შემუშავებულ სამოქმედო გეგმაში, ერთ-ერთი პრიორიტეტი დაბაში არსებული პრობლემების მოგვარებაა. ბაქარ ბარბაქაძე, რომელიც სულ რაღევინახა ხნის წინ დაინიშნა მერის წარმომადგენლად დაბის ადმინისტრაციულ ერთეულში, ადგილზე ეცნობა არსებულ პრობლემებს და აქტიურად აპირებს მუშაობას მათ გადასაჭრელად. დიდი ენერჯითა და ერთგულებით სავსე ახალგაზრდას სწამს, რომ ყველაფრის მიღწევა შესაძლებელია იმ ადამიანებთან ერთად, რომლებიც დღეს მუნიციპალიტეტის მმართველ გუნდში არიან. როგორია ბაქარ ბარბაქაძის სამომავლო გეგმები, ამის შესახებ თავად გვესაუბრება:

„დავიბადე და გავიზარდე ხარაგაულში. ბავშვობა სოფელ ბორითში, ბებია-ბაბუასთან გავატარე, რომლებმაც მასწავლეს მინის, ბუნებისა და ადამიანების სიყვარული.

ის გარემო, რომელშიც ვიზრდებოდი, საინტერესო და, ამავე დროს, ძალიან სასიამოვნო იყო. მაძლიერებდა ვარ, რომ მათ დიდი წვლილი მიუძღვით ჩემს ჩამოყალიბებაში.



ტკბილად მახსენდება სოფელში გატარებული ყოველი დღე. ბავშვები ერთად ვიკრიბებოდით, დავდიოდით მდინარე-

ზე, ვთევზაობდით, ვთამაშობდით... სწორედ დაწყებული ბიძის მთაში, ბუნების სიყვარულიც ამ წლებიდან მოდის... სწორედ ამან განაპირობა ჩემი პროფესიის არჩევაც - დავამთავრე აგრარული უნივერსიტეტის ეკოლოგიის ფაკულტეტი. მამა ექიმია, სპეციალობით რეანიმატოლოგ-ანესთეზიოლოგი. სწორედ ვეხმარებოდი, როცა მას პაციენტები სახლში აკითხავდნენ. დედასთან ნამდვილად გამოჩენილი დამოკიდებულება მაქვს. ის ჩემი გულისხმიერი მრჩეველი და საიმედო მეგობარია. მის პი-

გაგრძელება 2 გვ.

ხარაგაულში 9 აპრილს დაღუპული გმირები გაიხსენეს



1989 წლის 9 აპრილის ტრაგიკული ღამიდან უკვე 29 წელი გავიდა. ამ საშინელ თარიღსა და დაღუპულ თანამემამულეებს ქართველები მუდამ დიდი გულისტკივილითა და ცრემლმორეული თვალებით ვიხსენებთ. 9 აპრილი ორმაგი ემოციითაა დატვირთული. ეს არის დღე ტრაგედისა, რადგან ჩვენმა ქვეყანამ დაკარგა საუკეთესო შვილები და ამავედროულად ეს არის დასაბამი სიხარულისა, რადგან

ზუსტად ორი წლის შემდეგ 1991 წლის 9 აპრილს საქართველომ დამოუკიდებლობა მოიპოვა. მტერი იმ ერთ კონკრეტულ დღეს მოგვერია, იფიქრა, ჩააქრობდა ქართველებში თავისუფლების სურვილს, მაგრამ პირიქით მოხდა, „კიდევაც დავიზარდეთ“, კიდევ უფრო გავძლიერდით, გავერთიანდით.

1989 წლის 9 აპრილს რუსთაველის გამზირზე, მაშინდელი მთავრობის სასახლის წინ, წითელმა არმიამ და შინაგანმა ჯარმა მშვიდობიანი მიტინგი სასანგრე ნიჩბების, ხელკეტებისა და გაზის გამოყენებით დაარბია. იყო უამრავი დაშავებული, 21 მოკლული, მათ შორის, ერთი ჩვენი რაიონის მკვიდრი, ელისო ჭიპაშვილი. დემონსტრაციის მონაწილეთა უმთავრესი მოთხოვნა საქართველოს სახელმწიფოებრივი დამოუკიდებლობის აღდგენა და საბჭოთა კავშირის შემადგენლობიდან გამოსვლა იყო.

9 აპრილის დღესთან დაკავშირებით, ბაღდათი-ხარაგაულის მაჟორიტარმა დეპუტატმა კობა ლურსმანაშვილმა, მერიის კულტურის, განათლების, სპორტისა და ახალგაზრდულ საქმეთა სამსახურის უფროსმა ირინე ჩხეიძემ და ადგილობრივი ხელისუფლების სხვა წარმომადგენლებმა 9 აპრილის მემორიალი ყვავილებით შეამკეს და დაღუპულთა სსოვნას პატივი მიაგეს.

კობა ლურსმანაშვილმა გაიხსენა ის მძიმე პერიოდი, რომელიც ჩვენმა სამშობლომ გადაიტანა და ხაზგასმით აღნიშნა, რომ 1989 წლის 9 აპრილი საქართველოს ისტორიაში ჩაინერა, როგორც ერთ-ერთი ტრაგიკული დღე. დეპუტატის თქმით, ეს იყო პერიოდი, როცა ყველა ქართველი ერთი მიზნისთვის იყო გაერთიანებული.

შეგახსენებთ, რომ ხარაგაულის მუნიციპალიტეტში 9 აპრილის მოვლენების დროს დაზარალებული ორი მოქალაქე ცხოვრობს, (სოფელ ხუნევეში - ლელა გრი-



გალაშქილი და სოფელ ლორეშაში - გოჩა კობაძე, რომელთაც ადგილობრივი ბიუჯეტიდან 300-300 ლარი ჩაერიცხებათ.

საპ შაპიძე

ზოგადი ფაროსანა წინააღმდეგ ბრძოლის კამპანიის აზიურ ფაზაში

ხარაგაულის მერი ნიკოლოზ თოფურიძე ადმინისტრაციულ ერთეულებში მერის წარმომადგენლებთან ერთად, საქართველოს გარემოს დაცვისა და რეგიონული განვითარებისა და ინფრასტრუქტურის სამინისტროების მიერ ორგანიზებულ (ფაროსანას წინააღმდეგ ბრძოლის კამპანია) შეხვედრას დაესწრო. მინისტრებმა ლევან დავითაშვილმა და ზურაბ ალავეციმ აბაშის მუნიციპალიტეტში მავნებლის საწინააღმდეგო ღონისძიებების რეგიონული შტაბი გახსნეს. მოგვიანებით კი დასავლეთ საქართველოს ოთხ რეგიონში- სამეგრელო-ზემო სვანეთში, აჭარაში, გურიაში და იმერეთში- სამომავლო ღონისძიებების დაგეგმვის მიზნით, ზუგდიდში გაფართოებული შეხვედრა გაიმართეს. ზურაბ ალავეციის ინიციატივით, ოთხივე რეგიონში 140 ერთეული სპეციალური ტექნიკის გამოყენება დაგეგმილია, რომელიც უკვე მობილიზებულია აბაშის რეგიონულ შტაბში. შეხვედრაზე აღინიშნა, რომ სახელმწიფოს მთავარი მიზანია, აზიური ფაროსანას წინააღმდეგ შესაბამის სტრატეგიასა და ადგილობრივ თვითმმართველობებს შორის, რაც შეიძლება მეტად კოორდინირებულად მოხდეს მუშაობა. გარდა ამისა, ხარაგაულის



მერიამ აბაშის მუნიციპალიტეტში მერის წარმომადგენლებს ტრანსპორტირება უზრუნველყო, შეხვედრაზე მათ, სპეციალურად შექმნილ საკოორდინაციო შტაბში კონკრეტული მითითებები და დავალებები მიიღეს.

აზიური მავნებელი ზამთრის სეზონიდან გამოსვლას ერთ თვეში დაინიშნეს, ამიტომ, მოსახლეობამ საქართველოს გარემოს დაცვისა და სოფლის მეურნეობის და შრომისა და ჯანმრთელობის სამინისტროების მიერ გავრ-

ცელებული რეკომენდაციები აუცილებლად უნდა გაითვალისწინოს.

მერის წარმომადგენლებმა დაათვალიერეს აბაშის შტაბში მობილიზებული სპეცტექნიკა, რითაც კონკრეტულ სოფელში ათზე მეტი მავნებლის დაფიქსირების შემთხვევაში, ბრიგადა ადგილზე გადის და ყველა წესისა და პირობის დაცვით ინსექტა სათადარიგო ზომების მიღება.

შტაბის ხელმძღვანელის, ლაშა შალამბერიძის, განცხადებით, დასავლეთ საქართველოში უკვე დაწყებულია ფაროსანას დამჭერი საშუალებების ე.წ. „ფერომონების“ განთავსება. ასევე არის რამდენიმე ბუნებრივი საშუალება რითაც შეგვიძლია, მოსახლეობის ჩართულობით ვებრძოლოთ აზიურ მავნებელს.

მნიშვნელოვანია, რომ 25 აპრილიდან პირველი მაისამდე, სოფელ ვარძიაში, სადაც ამ დროისთვის ყველაზე მეტი ფაროსანა დაფიქსირებული, დაიგეგმა საცდელი/საჩვენებელი შეხვედრა მოსახლეობასთან, მეტი ინფორმირებულობისა და აზიურ მავნებელთან ბრძოლის ცნობადობის ამაღლების მიზნით.

მჯერა, ყველაფრის მიღწევა შესაძლებელია, თუ არის ნება და თავდადება...

დასაწყისი ▶ 133.

როვნებაში სრულყოფილიადაა შერწყმული სიმკაცრე და სიყვარული. საერთოდ, მშობლების ურთიერთპატივისცემა, მათი ცხოვრების წესი ჩემთვის მისაბამი და საამაყოა. მათ სურდათ მეც მედიცინას გავყოლოდი, მაგრამ იმდენად ძლიერად მქონდა ბუნების სიყვარული, საბოლოოდ მაინც ავირჩიე ის პროფესია, რაც უფრო ახლოს იყო ჩემს სულთან. 2005 წელს დაავადებულ ხარაგაულის მესხა საჯარო სკოლა. 2006 წელს ჩავირიცხე აგრარულ უნივერსიტეტში, აქვე განვაგრძე მაგისტრატურაში სწავლა. შევიძინე არაჩვეულებრივი მეგობრები, რომლებთანაც დღემდე მაქვს ურთიერთობა. ჩემი აზრით, პროფესია, რომელიც ავირჩიე, საკმაოდ საინტერესო და საჭიროა. ვფიქრობ, მომავალში კიდევ უფრო მეტად დაფასდება. ყველამ ვიცით, რამდენი პრობლემაა ამ კუთხით მსოფლიოში და აუცილებელია ეკო-ცნობიერების ამაღლება საზოგადოებაში.

ტურიზმის ცენტრში მუშაობის დროს მეტი შესაძლებლობა გექნებოდა, ახლოს გაცნობოდით ხარაგაულის ეკო-პრობლემებს. რას იტყვით ამ პერიოდზე?

-ჩემი სამუშაო გამოცდილება ხარაგაულის ტურიზმის ცენტრიდან იწყება. ისეთი ადამიანების გვერდით მინევდა მუშაობა, რომლებიც თავიანთი საქმის პროფესიონალები არიან. თავდაპირველად ხელმძღვანელი გახლდათ მამუკა ჭიპაშვილი, ადამიანი, რომელთან ურთიერთობაც საინტერესო და სასიამოვნოა. ბევრი კარგი საქმე გააკეთა ჩვენმა გუნდმა. აუცილებელი იყო დაბის ტერიტორიაზე არსებული ტურისტული გზების მარკირება, არა მარტო ტურისტებისთვის, არამედ ადგილობრივებისთვისაც. განვახორციელეთ საინტერესო პროექტები, რაც ახალგაზრდა თაობებისთვის სიკეთის მომტანია. ხშირად გვიწევდა ბავშვებთან ურთიერთობა, ვანცობდით სალაშქრო ტურებს, საზაფხუ-

ლო ბანაკებს, ვმუშაობდით მოზარდებში ეკო-ცნობიერების ამაღლების კუთხით. ბუნებამ, ჯანსაღი ცხოვრების პოპულარიზაციამ, რასაც მათ ვთავაზობდით, მთლიანად შეცვალა ბევრი ადამიანის ცხოვრების სტილი. ვთვლი, რომ ახალგაზრდების სწორი გზით განვითარებაში მცირე წვლილი ტურიზმის ცენტრმაც შეიტანა, რასაც ეს გუნდი და მისი ხელმძღვანელი ბერიკა თორმანიძე დღემდე აგრძელებენ.

-თუ არის თქვენთვის ხარაგაული?

-ხარაგაული ჩემთვის, პირველ რიგში, სიყვარულთან ასოცირდება ურთიერთობა ძვირფას ადამიანებთან, ოჯახთან, მეგობრებთან - ყველაფერია ჩემთვის... მიმაჩნია, რომ ასეთი გრძობა მოჭარბებულად გვაქვს ხარაგაულელებს. უნივერსიტეტში სწავლის დროს ყოველ თავისუფალ დღეს, როგორც ხარაგაული სტუდენტების უმეტესობა, აქ ვატარებდი. მომიხაროდა და მეჩქარებოდა ჩამოსვლა... სწავლის დამთავრების შემდეგ წელიწად-წახევარი სოფელში ვიცხოვრე. სოფლის მეურნეობით დაკავდი. მთელი დღის განმავლობაში ვმრომობდი, რთულია, მაგრამ ჩემთვის საინტერესო და სასიამოვნოა ის შრომა, რასაც სოფელში, საკუთარ მიწაზე ეწევა ადამიანი.

-დაბის ადმინისტრაციულ ერთეულში მერის წარმომადგენელი ბრძანდებით. ამ თანამდებობის დაკავების შემდეგ შეიცვალა თუ არა თქვენი ყოველდღიური ცხოვრება?

-როდესაც ადამიანი ასეთ საპასუხისმგებლო თანამდებობაზე ინიშნები, ვალდებული ხარ, კეთილსინდისიერად და დიდი სიყვარულით ჩადგე ხალხის სამსახურში. ნდობას რომ გიცხადებს მუნიციპალიტეტის მერი და ის გუნდი, ვისაც პასუხისმგებლობა აქვს აუბუფი თითოეული ამომრჩევლის წინაშე, არ შეიძლება, იმედი გაუცრუო. მაღლობა მინდა, გადავუხადო თითოეულ იმ ადამიანს, ვინც საშუალება მომიცა, მცირე წვლილი შევიტანო ხარა-

გაულის განვითარებაში. მაღლობა პაატა ფციქალაძეს, დაბის ყოფილ რწმუნებულს, ბატონ ბორის კიკნაძეს, რომლებიც გვერდით მიდგანან და ბევრ საკითხთან დაკავშირებით დახმარებას მინიჭებენ. კარგად ვიცნობ დაბის პრობლემებს, ვიცი, რა ანუხებს მოსახლეობას. ბევრი რამ გაკეთდა, მაგრამ ძალიან ბევრი კიდევ გასაკეთებელია... საზოგადოების ჩართულობა მნიშვნელოვანი და აუცილებელია. არა მარტო ხელისუფლება, არამედ ყველა ერთად უნდა გზრუნავდეთ, თუ როგორ შევქმნათ უკეთესი მომავალი.

-რუ არის ის ძირითადი პრობლემები, რომელთა მოგვარებასაც ყველაზე ხშირად მოითხოვენ მოქალაქეები?

- ბევრი პრობლემაა დაბაში, თუმცა ყველაფერი მოგვარდება ეტაპობრივად. ცუდ მდგომარეობაშია შენობების ფასადები, მრავალბინიანი კორპუსების სადარბაზოები, გადახურვას საჭიროებს ბევრი შენობა, მოსახლეობის საგზაო ინფრასტრუქტურა, სკვერები, არ არსებობს საბავშვო მოედნები, აუცილებელია წყლის სათავე-ნაგებობების განახლება და ასევე, რაც დიდი პრობლემაა, არ არსებობს საკანალიზაციო სისტემა, რაც იწვევს მდინარეების დაბინძურებას. აგრარული ბაზარი გვაქვს სავალალო მდგომარეობაში, მოვაჭრეებს რთულ პირობებში უწევთ მუშაობა. საჭიროა ისეთი შენობის აგება, სადაც ნორმალურ პირობებში იქნება შესაძლებელი პროდუქტის გაყიდვა და შექნა. არ არსებობს ტურისტული დაფები. ვთვლი, რომ ისეთ მუნიციპალიტეტში, სადაც ასეთი შესანიშნავი ისტორიული მუზეუმი, სადაც არის „კაშუკრულას“ კანონი, ჩხერის ციხე, დევის გამოქვაბული, აუცილებელია საინფორმაციო დაფების გაკეთება, კვებისა და სასტუმროების ქსელების მოწოდება... ხელი უნდა შეეწყოს ტურიზმის განვითარებას, რაც კიდევ უფრო მეტ სარგებელს მოუტანს მთლიანად მუნიციპალიტეტს.

- რა პროექტების განხორციელება იგეგმება უახლოეს პერიოდში და რა სიკეთეს შეჰმატებს მოსახლეობას?

-2018- 2021 წლებში ბევრი პროექტის განხორციელებაა დაგეგმილი. პირველ რიგში, დაბა უნდა წარმომადგენდეს მუნიციპალიტეტის კულტურულ ცენტრს, აუცილებელია უსახური შენობა-ნაგებობების მოწესრიგება. ინფრასტრუქტურისა და ზედამხედველობის სამსახურებთან ერთად ჩართული ვარ სარეაბილიტაციო შენობების აღწერაში. უახლოეს პერიოდში დაიწყება ფასადების, სადარბაზოებისა და გზების მოწესრიგება. იგეგმება სოლომონ მეფისა და წერეთლის ქუჩებზე არსებული ყველა სკვერის განახლება, მოწყობა საბავშვო მოედნები, განსახორციელებელი პროექტების სიაშია კულტურისა და დასვენების პარკის რეაბილიტაცია. მოეწყობა სასმელი წყლისა და საკანალიზაციო სისტემები.უნდა მოხდეს მდინარე ჯიხველას არხის გასუფთავება. სასწრაფოდაა გასარემონტებელი დაბის მესამე საჯარო სკოლის შენობა, რათა საფრთხე არ შეექმნათ ბავშვებს. დაიგეგმა ხელისუფრსაფარის მინი-ფეხბურთის მოედნის გაკეთება, მაგრამ ისიც უნდა ითქვას, რომ რაც გაკეთდება, ყველაფერს მოვლა და გაფრთხილება სჭირდება, როგორც ჩვენი მხრიდან, ასევე მოსახლეობისგან. მინდა, მაღლობა გადავუხადო დავით ლაცაბიძეს, კეთილმოწყობისა და დასუფთავების სამსახურს, რომელიც თავდაუზოგავად შრომობს, რომ ხარაგაული იყოს გამწვანებული და გალამაზებული. პრობლემები, რომლებიც დღეს დაბაშია, შეუძლებელია ერთ ან ორ წელიწადში სრულად აღმოიფხვრას, მაგრამ ეტაპობრივად აუცილებლად მოწესრიგდება. მჯერა, ყველაფრის მიღწევა შესაძლებელია, თუ არის ნება და თავდადება...

ლელა ბუბულაშვილი

„დღეს მისი პატივი ჰქონდა ჩვენსა...“

არ არის უბრალო ფაქტი, ერი რომ თავის მშობლიურ ენას ძეგლს უდგას. ეს გამოჩენილია იმ დიდი სიყვარულის გამოხატულებაა, რომელიც ერის გულისგულიდან მოდის და შარავანდედად ეფენება იმ სიერცეს, რომელსაც ღვთისმშობლის ნილხვედრი მინა - საქართველო - შქვია.

დახ, ენეით ჩვენს დედაქალაქ თბილისში, მტკვრის მარჯვენა სანაპიროზე, „მშრალ ხიდთან“ მდებარე პარკს და თქვენს ყურადღებას უშალ მიიპყრობს ქართული მოქანდაკეების - ელგუჯა ამამუქეულისა და ნოდარ მაგალიძის - მიერ შექმნილი ძეგლი უკუდავი დედაენისა. გუფულება რწმენა, რომ ცოდვის წყურვილით ზეცისკენ ხელმბარობილი ქალუკი, საქართველოს წიგნიერი მომავალი, კეთილ გზებით ნაიყვანს ქვეყანას...

როცა დედაენზე ვფიქრობთ, არ შეიძლება გვერდი აუვაროთ ერის მამის, ილია ჭავჭავაძის, გაფრთხილება: „სამი ღვთაებრივი საუნჯე დაგვრჩა ჩვენ მამა - პაპათაგან: მამული, ენა და სარწმუნოება. თუ ამათაც არ უუპატრონეთ, რა კაცები ვიქნებით, რა პასუხს გავცემთ შთამომავლობას? სხვისი არ ვიცი და ჩვენ კი მშობელ მამასაც არ დავუთმობდით ჩვენ მშობლიურ ენის მიხასთან გასწორებას.“

ენა საღვთო რამ არის, საზოგადო საკუთრებაა, მაგას კაცი ცოდვილის ხელით არ უნდა შეეხოს.

აქედან გამომდინარე, აღნიშნული სამი საუნჯის მიმართ ქართველთა დამოკიდებულების სამ შესატყვის ფაქტს მიხდა, შევხვით.

მაშუალი? საბჭოური რეჟიმის მიერ ციხიბრში იყო გადასახლებული დიდი პატრიოტი, მწერალი ლევან გოთუა (იხ. ნიგინი „თავგადასავალი ლევან გოთუასი“), რომელიც მოგვიტორობს არა მარტო ლევან გოთუას, არამედ უღანაპულოდ მორეულ ციხიბრში გადასახლებულ მთაბრუნველ ქართველთა თავგადასავლებს. ერთ-ერთი ესება ახალგაზრდა ექიმებს - ოლია მესხსა და ნესტორ იმნაიშვილს. წყელი გადასახლებაში შეუღლდა. მათი ოჯახი თითქმის ყველა კატორღელ ქართველს აერთიანებდა. ხელმეორედ დაპატიმრებას ვერ ასცდა ნესტორ იმნაიშვილი, ხოლო ოლია მესხი ფეხმძიმობამ გადაარჩინა ახალ განსაცდელს. უმამოდ იზრდებოდა პატარა თინიკო და იქ მყოფი ყოველი გადასახლებული ვალდებულია თვლიდა თავს, ბავშვისთვის ალერსი და მზრუნველობა არ მოეკლო. მალე თინიკოს ფეხი უნდა აედგა. ქართველებს თავიანთი მშობელი მინა უსაზღვროდ ენატ-



რებოდათ და არ უნდოდათ, რომ გოგონას ფეხი ციხიბრის მინაზე აედგა... სასწრაფოდ გამოავაზინეს სამშობლოდან საქართველოს რუკა, გამაღეს ოთახში ხალხის მავიერ და თინიკომაც პირველი ნაბიჯები რუკაზე გადადგა... ხარბდნენ კატორღელები, რომ პატარა თინიკონი იმნაიშვილმა სიმბოლურად ფეხი აიდგა საქართველოს მინაზე...
ძვირფასო მკითხველო!

ბედის უკუღმართობით დაფლეთილია საქართველოს სხეული. ვუნატროთ მსოფლიოს სხვადასხვა კუთხეში მყოფ ემიგრანტთა შვილებს, რომ მათ რეალურად აედგათ ფეხი ტერიტორიულად გამოღიანებულ საქართველოს მინაზე...
ენა?

მშობელ მინასთანაა შერწყმულ - შენივთებული ერის არსებობის ქვაკუთხედი - მშობლიური ენა. ვინ იცით საუკუნეთა განმავლობაში რამდენ მტარვალს გადაურჩა მრავალჭირვარამგანანხადი მშობლიური ქართული ენა... აღარ მინდა, თქვენი გულის ძაფებს უხეზად შევხვო და სიტყვათა იმ არაჯანსაღ ფორმებს მოვუხმო, რომლითაც ესოდენ გამეტყულებად ხდება ძირძველი ქართული ენის დანაგვიანება - დაბნობურება ჟღერანებით, ბარბაროზებით, ენისათვის შეუსაბამო სიტყვათა წყობით...
ამჯერად, კვლავ ერთ ფაქტს გავიხსენებ ცნობილი მწერლის, რევაზ ჯაფარიძის, ნიგინიდან „ანონილი სიტყვა“, რომელიც მხოლოდ ენათმეცნიერს, საქართველოს მეცნიერებათა ეროვნული აკადემიის ყოფილ პრეზიდენტს, აკადემიკოსს (სამეცნიერო ნოდებათა ჩამონათვალი სხვაც უამრავია!) თამაზ გამყრელიძეს უკავშირდება:

„1964 წლის აგვისტოში მოსკოვში თავი მოიყარეს დიდაბნობის ხუთივე კონტინენტიდან მოსულმა ანთროპოლოგებმა და ეთნოგრაფებმა თავიანთ

მემკვიდრე საერთაშორისო კონგრესზე. საქართველოს მეცნიერებათა აკადემიის დავალებით, იქ ერთ-ერთი მთავარი მოხსენება, ფრიად ორიგინალური, როგორც საკითხის დაყენების, ისე ფორმის მხრივ - „ანატოლიური ენები და მცირე აზიაში ინდო-ევროპული ტომების დასახლება“- ნაიკითხა ქართველ ფილოლოგთა უმცროსი თაობის წარმომადგენელმა, მეცნიერებათა დოქტორმა თამაზ გამყრელიძემ.

თამაზ გამყრელიძემ იმითაც მოაჯავოვა მსოფლიო კონგრესი, რომ მოხსენების კითხვის დროს რუსულად, ფრანგულად, გერმანულად, ინგლისურად და ესპანურ ენაზეც კი თავისუფლად იყენებდა და თარჯიმნის როლსაც თვითონ ასრულებდა.

ახალგაზრდა დოქტორს შეჰხვდა და კონგრესზე შეკითხეს, ვისი მონაფე პრადანდებითო. მან თავისი ქართველი მასწავლებლები, თავისი ქართული უნივერსიტეტი და მეცნიერებათა აკადემია დაასახელა.

თამაზ გამყრელიძეს იქ არ დასჭირვებია მტკიცება, უძველესი კულტურის მქონე ერის შვილი ვარო. მან საქმით წარმოადგინა თვისი ერი, ენა და ქვეყანა...
სარწმუნოება?

უბრალოდ გადავავლოთ თვალი სულიერების იმ გზას, რომელზეც ქრისტიანობის მიღებიდან დღემდე მიბიჯებს ქართველი. აღურაცხელია ის მსხვერპლი, სარწმუნოებისადმი ის თავდადება, რასაც უფლის სიყვარული შთააგონებდა ქართველს. რწმენამ და იმედმა გვისხნა მრავალჯერ და დავისხინის კვლავაც.

სწორუპოვარია ქართული ჰაგიოგრაფია და ჰიმნოგრაფია, რომლებშიც არეულა ის ზნეობრივი სიმადლე, რასაც მიაღწის ქართველებმა ქრისტეს სჯულთან ზიარებით.

დასასრულ, მინდა, ქართული ენის დღე, 14 აპრილი, მივულოცო ყველა ქართველს და ქართული ენის სიტკობ - სილაღეზე შეყვარებულ ყველა არა-ქართველს. როგორც გაფრთხილება, გავიმეორო მოქტ მუხრან მაჭავარიანის სტრიქონები:

„დღეს ბედი მისი ჰქონდა ჩვენს!
ლარი და ხაზი ამას რად უნდა...
ჩვენ უნდა შევძლოთ
და კიდევ შევძლებთ! –
კვლავ იძლიეროს
ენამ ქართულმა!“
ამინ, გვისმინოს უფალმა!

მარი ბოქორძე

საკრებულოში დამატებით ორი ფრაქცია შეიქმნა

ხარაგაულის მუნიციპალიტეტის საკრებულოში დამატებით ორი ფრაქცია შეიქმნა. ამის შესახებ გადაწყვეტილება დეპუტატებმა 2 აპრილს გამართულ საკრებულოს მორიგ სხდომაზე მიიღეს. როგორც იურიდიული, სამანდატო, საპროცედურო საკითხთა და ეთიკის კომისიის თავმჯდომარემ, ოთარ ლურსმანაშვილმა, აღნიშნა, „შენების მოძრაობის“ (ინგა მალრადე და მიხეილ ჭიაბავილი) და „ევროპული საქართველოს“ (აკაკი მაჭავარიანი და დავით მალაფერიძე) ოპოზიციონერმა დეპუტატებმა ფრაქცია „თავისუფლება ხალხისათვის“ შექმნეს, რომლის თავმჯდომარედ ინგა მალრადე, ხოლო მოადგილედ აკაკი მაჭავარიანი აირჩნენ.

გარდა ამისა, ცვლილებები განხორციელდა ფრაქცია „ქართული ოცნება - კონსერვატორებში“. აღნიშნული ფრაქცია დეპუტატმა აკაკი ლურსმანაშვილმა დატოვა და მის ნაცვლად ზურაბ ხაჩიძე გაერთიანდა, რომელმაც ამავდროულად ფრაქციის თავმჯდომარის მოადგილის თანადგობა დაიკავა. რაც შეეხება აკაკი ლურსმანაშვილს, მან ახალი ფრაქცია „ქართული ოცნება - მწვაენები“ შექმნა, რომლის მოადგილედ იულონ კოპაძე აირჩა.



საბავშვო ბაღებში რეფორმა იწყება

ხარაგაულის მუნიციპალიტეტის საბავშვო ბაღების რეფორმა იწყება



საქართველოს მთავრობის მუნიციპალიტეტებთან ერთად იწყებს, საბავშვო ბაღების გაერთიანების ცალკე იურიდიულ პირად ჩამოყალიბებას ითვალისწინებს. ასევე უნდა მოხდეს ბაღების აღმზრდელთათვის აღმზრდელ-პედაგოგის სტატუსის მინიჭება. აღსანიშნავია, რომ რეფორმის ძირითადი მიზანია საქართველოში ყველა ბავშვისთვის სკოლამდელი მომსახურების ხელმისაწვდომობის თანაბარი შესაძლებლობა და ხარისხის გაუმჯობესება. პირველ ეტაპზე საჭიროა, საკრებულომ მიიღოს რამდენიმე ნორმატიული აქტი, რომლებიც ნათლად იქნება განერილი, რა მოთხოვნები უნდა დააკმაყოფილოს სკოლამდელი აღზრდის დაწესებულებებმა. განათლებისა და მეცნიერების სამინისტრომ უკვე შეიმუშავა 0-დან 2- წლამდე; 2-დან 5 წლამდე და 5-დან ზემოთ ასაკის აღსაზრდელების განათლებისა და საბავშვო ბაღის აღმზრდელთათვის პედაგოგის სტატუსის მინიჭების სტანდარტი, რომელიც ითვალისწინებს აქტიურ მუშაობას ინკლუზიური განათლების კუთხით, ტრენინგების გავლასა და განახლებულ საგანმანათლებლო ღონისძიებებს საბავშვო ბაღებში.

შრომის, ჯანმრთელობისა და სოციალური უზრუნველყოფის სამინისტრომ შექმნა ორი ჩარჩოდოკუმენტი სანიტარულ-ჰიგიენური ნორმებისა და კვების რეგლამენტის დასარეგულირებლად. სამინისტროს რეკომენდაციით, კვების რაციონში უნდა შეეცოდეს ცხიმოვანი, მარილი, შაქარი და სხვა მავნე ნივთიერებები. განისაზღვროს დღიური კალორიაჟი და მოხდეს ინდივიდუალური, გააზრებული მენიუს შედგენა. ხოლო საბავშვო ბაღის შენობის ყველა ოთახში დაცული უნდა იყოს ჰიგიენური და სანიტარული ნორმები.

შეხვედრაზე ასევე აღინიშნა, რომ უახლოეს მომავალში საბავშვო ბაღებში უნდა შეიქმნას საკონსულტაციო საბჭოები, რომლებიც ექვს თვეში ერთხელ საზოგადოებას წარუდგენენ ინფორმაციას, რა გაკეთდა და რა მეორედებით მუშაობს ესა თუ ის სკოლამდელი აღზრდის დაწესებულება. ყურადღება გამახვილდა მონიტორინგის სისტემის შემოღებაზე, რაც ხელს შეუწყობს საბავშვო ბაღებში წესრიგის დამყარებას, ბავშვთა მიმართ ძალადობისგან დაცვას და თავიდან აცილებას...
ამინ, გვისმინოს უფალმა!

ზვარის ადმინისტრაციულ ერთეულში, სოფელ ნუნისში, სასოფლო გზის მობეტონება იწყება. ხარაგაულის მუნიციპალიტეტის მერმა ნიკოლოზ თოფურიძემ ტენდერში გამარჯვებულ კომპანიასთან ხელშეკრულება უკვე გააფორმა. ნუნისში გზაზე ბეტონის საფარი 2284 მეტრზე დაიგება. პროექტი რეგიონული განვითარების ფონდიდან 311 444 ლარით ფინანსდება. ადგილობრივი ბიუჯეტიდან თანადაფინანსება 5%-ს შეადგენს. სამშენებლო სამუშაოებს ამხანაგობა „ნიუ გრუპი“ ანარმოებს და პირველ ავეისტომდე დასრულდება. გარდა ამისა, ნიკოლოზ თოფურიძემ ხელი მოაწერა ხელშეკრულებას, რომლის ფარგლებშიც ხუთევის და ხევის ადმინისტრაციულ ერთეულებში საგზაო ინფრასტრუქტურის მშენებლობა იწყება. პროექტის ღირებულება 420 460 30 ლარია. გამოვლინდა ასევე ტენდერში გამარჯვებული კომპანია შპს „საპონელა“, რომელიც ნადაბურსა და ბორში საგზაო ინფრასტრუქტურას მოანსწორებს.

სკოლამდელი აღზრდის გაერთიანებაში 17 საბავშვო ბაღია. გაივლიან თუ არა ავტორიზაციას ეს ბაღები?

სკოლამდელი აღზრდის დაწესებულებას ოთხი წლის განმავლობაში აქვს ვადა, ავტორიზაცია გაიაროს. ცვლილებებზე მუშაობა ჯერ დასრულებული არაა, კვლავაც მიმდინარეობს კორექტირებების შეტანა-დახვეწა. ვფიქრობ, ხარაგაულში მოქმედ სკოლამდელ დაწესებულებებს ავტორიზაციის გავლა არ გაუჭირდებათ. ერთადერთი, რაც სემინარზე გვითხრეს, თუ ბაღის პირობები სიკოცლიისთვის საზიანო არაა, იგი არ დაიხურება. მიუხედავად იმისა, რომ სკოლამდელი აღზრდის დაწესებულება ცალკე ფინანსურ ორგანიზაციად ჩამოყალიბდება, არ ეყოლება ცალკე ბუღალტერი და შესყიდვების განხორციელება არ შეეძლება დამოუკიდებლად. მათ ბაღების სააგენტო უხელმძღვანელებს.

იყო საუბარი, რომ საბავშვო ბაღები გარკვეული კატეგორიისთვის შესაძლოა, ფასიანი გახდეს. იგეგმება თუ არა ამ კუთხით რაიმე ცვლილების განხორციელება?

აღნიშნულ საკითხთან დაკავშირებით ამ ეტაპზე ცვლილების განხორციელება არ იგეგმება. ხელისუფლების პრიორიტეტია მომავალ თაობაზე ზრუნვა და სწორედ მათი მმართველობის პერიოდში საბავშვო ბაღები გახდა უფასო. აქედან გამომდინარე, არა მგონია, ამ კუთხით რაიმე შეიცვალოს. აღსანიშნავია, რომ ბოლო წლების განმავლობაში ხარაგაულის ისეთ სოფლებში, სადაც სკოლამდელი დაწესებულება არ ფუნქციონირებდა, თანამედროვე სტანდარტების შესაბამისი საბავშვო ბაღები გაიხსნა.

როგორ ფიქრობთ, რეფორმის განხორციელება როგორ აისახება ბიუჯეტზე?

რეფორმის განხორციელების შემთხვევაში, დამატებითი თანხების მოძიება აუცილებლად დაგეგმილია ინფრასტრუქტურის მოსანსწორებლად. აუცილებელია ინკლუზიური ბავშვებისათვის სპეციალური კიბისა და სველი ნერტილების მოწყობა. აქვე მოგახსენებთ, რომ რეფორმა შეტანის ცვლილებას არ ითვალისწინებს.

თამარ მაღრაძე

სარგაულის საოლქო კომისიას სარტენინგო - საპრეზენტაციო ოთახისათვის დამატებითი ფართი გადაეცა

სარგაულის საოლქო კომისიის სარტენინგო - საპრეზენტაციო ოთახისათვის დამატებითი ფართი გადაეცა. ამის შესახებ დეპუტატებმა 2 აპრილს გამართულ საკრებულოს სხდომაზე იმსჯელეს. საკითხი მათ ეკონომიკისა და ქონების მართვის სამსახურის უფროსმა ჯაბა ბერაძემ გადაცნო. მომხსენებლის ინფორმაციით, ცესკოს დამატებითი ფართი სარტენინგო - საპრეზენტაციო ოთახისათვის ესაჭიროება. შენობის აღნიშნული მონაკვეთი თანამედროვე ევროპული სტანდარტებით გარემონტდება და სათანადო ტექნიკით აღიჭურვება.



გარდა ამისა, მერამ საკრებულოს შრომითი ხელშეკრულებით დასაქმებულ პირთა რაოდენობის შეზღუდვასთან დაკავშირებით გამოწვევის დაშვების შესახებ თანხმობის მიცემის თაობაზე მიმართა. როგორც მერიის ადმინისტრაციული სამსახურის უფროსი

კახა გოლუბიანი განმარტავს, ახალი კანონის თანახმად, მუნიციპალიტეტის მერიას უფლება აქვს შეტანოს დასაქმებულთა საერთო რაოდენობის მხოლოდ 5% აიყვანოს შრომითი ხელშეკრულებით. ხარაგაულის მერიამ შრომითი კონტრაქტით 16 პირია დასაქმებული. თუ საკრებულო გამოწვევის დაშვებას შესახებ მერიას თანხმობას მისცემს, დამატებით სამი სპეციალისტი დაინიშნება. კერძოდ, მერის წარმომადგენლების სპეციალისტები დაემატება კიბის, სალანძილისა და ბორითის ადმინისტრაციულ ერთეულებს. რის შემდეგაც ჯამში მერიას 19 შრომითი ხელშეკრულებით დასაქმებული პირი ეყოლება.

აღნიშნულ საკითხთან დაკავშირებით საკრებულომ დადებითი გადაწყვეტილება მიიღო და წარმოდგენილ საკითხებს მხარი ერთმანდალ დაუჭირეს.

„ვეფხისტყაოსნის“ საღამო N2 საჯარო სკოლაში



„ვეფხისტყაოსანი“ ქართული მხატვრული სიტყვის სწორუბოვარი საუნჯეა. თითქმის 850 წელი გვაშორებს ჩვენ ამ უკვდავ პოემასთან, მის ავტორ შოთა რუსთაველთან, მაგრამ მათდამი ინტერესი უფრო და უფრო გვიძლიერდება. „ვეფხისტყაოსანი“ სიბრძნე - შეგონებით მარად თანამედროვეა ნებისმიერი ეპოქის ადამიანისათვის. სწორედ ასეთი მყარი საძირკველი განსაზღვრავდა ხარაგაულის მეორე საჯარო სკოლაში (დირექტორი ვალერი გოგნაძე) ჩატარებულ ღონისძიებას, რომლის ორგანიზატორი ქართული ენისა და ლიტერატურის მასწავლებელი ნაზი ჭიპაშვილი გახლდათ. V-VIII კლასების მოსწავლეებმა ძალზე საფუძვლიანი ცოდნა გამოავლინეს თავიანთი ასაკის შესატყვისად. ისინი სწორი და ძალზე სასიამოვნო დეკლამაციით წარმოთქვამდნენ ზეპირად პოემის ცალკეულ თავებს, აფორიზმებს, რაც კიდევ ერთხელ უსვამდა ხაზს მასწავლებლის თავდადებულ შრომასა და მოსწავლეთა ინტერესს.

სკოლის დირექტორმა ვალერი გოგნაძემ ღონისძიების დასასრულს მადლობა გადაუხადა ნაზი მასწავლებელსა და მოსწავლეებს, უსურვა აღსაზრდელებს იმ გზით სვლა, რომელიც უფლის მადლითაა განსაზღვრული - სამშობლოს სიყვარული, ძმობა და მეგობრობა ის მარადიული ღირებულებებია, რომლებიც თქვენი ცხოვრების ორიენტირი იქნება, - დასძინა სკოლის დირექტორმა.

თამარ მაღრაძე

ხარაგაულის მუნიციპალიტეტმა მყარი ნარჩენების შემგროვებელი 30 კონტეინერი მიიღო

ხარაგაულის მუნიციპალიტეტს მყარი ნარჩენების შემგროვებელი 30 კონტეინერი გამოეცა. ა(ა)იპ „დასუფთავებისა და კეთილმოწყობის გაერთიანების“ დირექტორის, თემურ ფურცელაძის, ინფორმაციით, ახალი კონტეინერები იმ სოფლებში განთავსდება, სადაც ამის საჭიროებაა.

აღსანიშნავია, რომ ხარაგაულს გასულ წელს ასევე გამოეცა 2 ნაგავმზიდი მანქანა და 100 ერთეული მყარი ნარჩენების შემგროვებელი კონტეინერი. ტექნიკა, დასუფთავების სამუშაოების ეფექტურად განხორციელების მიზნით, მუნიციპალიტეტის სოფლებსაც ემსახურება.

შეგახსენებთ, რომ ხარაგაულისთვის ახალი კონტეინერები საქართველოს მუნიციპალური განვითარების ფონდმა ევროპის რეკონსტრუქციისა და განვითარების ბანკის ფინანსური მხარდაჭერით შეიძინა და მუნიციპალიტეტს გადმოსცა.

ტურიზმის მიმართულების სექტორული კიევში საერთაშორისო ტურისტულ გამოფენაზე იმყოფებოდა

ა(ა)იპ „ხარაგაულის სპორტისა და შიდა ტურიზმის ცენტრის“ ტურიზმის მიმართულების ხელმძღვანელი ბერიკა თურმანიძე კიევში გამართულ საერთაშორისო ტურისტულ გამოფენას დაესწრო. კიევის 24-ე გამოფენაში (UITT/UITM) სხვადასხვა ქვეყნის 400-მდე ორგანიზაცია იყო ჩართული, რომლებმაც თავიანთი კუთხის ტურისტული პოტენციალი წარმოაჩინეს. ბერიკა თურმანიძის ინფორმაციით, საერთაშორისო ტურისტულ გამოფენაზე სამი დღის განმავლობაში ხარაგაულის კუთხეს 1 000 მდე დამთვალიერებელი სტუმრობდა, რომლებიც გაეცნენ ბორჯომ-ხარაგაულის ტყე-პარკს, დააგემოვნეს კიევის მარნის ღვინო და დიდი ინტერესით მოისმინეს



ხარაგაულის ისტორიული მუზეუმისა და, ზოგადად, ხარაგაულის ტურისტული პოტენციალის შესახებ.

საქართველოდან გამოფენაში 20-მდე ტურისტული კომპანია იღებდა მონაწილეობას, მათ შორის იყო ხარაგაულის ტურიზმის ცენტრი.

ბერიკა თურმანიძის თქმით, აპრილის ბოლოს ხარაგაულს უკრაინელი

ტურ-ოპერატორი ესტუმრება, რომელიც ექსტრემალური ტურიზმითაა დაინტერესებული. ტურ-ოპერატორი ადგილზე შეისწავლის ეროვნული პარკის ბილიკებს, შემდეგ კი დაგეგმავს ჯგუფის ჩამოყვანას.

როგორც ბერიკა თურმანიძე აცხადებს, „მსგავსი სახის საერთაშორისო გამოფენას ტურიზმის განვითარებისთვის დიდი მნიშვნელობა აქვს. 2018 წელს მსოფლიოს მასშტაბით 10-მდე გამოფენა დაგეგმილი. სამწუხაროდ, ჩვენ არ გვაქვს იმის შესაძლებლობა, რომ ყველა მათგანში მივიღოთ მონაწილეობა.“

ბერიკა თურმანიძის უკრაინაში ვიზიტი ა(ა)იპ „ტურიზმის განვითარების ცენტრმა“ დააფინანსა.

კონკურსის „მასწავლებლის ეროვნული ჯილდო – საქართველოს“ რეგისტრაცია მიმდინარეობს

10 აპრილს ხარაგაულის საგანმანათლებლო რესურს-ცენტრში კონკურსის „მასწავლებლის ეროვნული ჯილდო – საქართველოს“, ფარგლებში შეხვედრა გაიმართა, რომელსაც მუნიციპალიტეტის საჯარო სკოლების პედაგოგები ესწრებოდნენ. მსმენელებს აღნიშნული პროექტის შესახებ დეტალური ინფორმაცია გასული წლის ფინალისტმა, ქართული ენისა და ლიტერატურის მასწავლებელმა ნათია ფურცელაძემ მიანიჭა და აღნიშნა, რომ კონკურსში მონაწილეობის მსურველებმა რეგისტრაცია 20 აპრილამდე უნდა გაიარონ.

„ეს არის გლობალური კამპანიის ნაწილი, რომელიც მიზნად ისახავს პროფესიის პოპულარიზაციას, პრესტი-

ჟის ზრდას, წარმატებული მასწავლებლების გამოვლენასა და საზოგადოებისათვის მათ წარდგენას. აღსანიშნავია, რომ გამარჯვებული ჯილდოს სახით იღებს 10.000 ლარს და ხდება გლობალური ჯილდოს ერთ-ერთი მონაწილე.“ აქვე უნდა აღინიშნოს, რომ 2017 წელს განათლებისა და უნარების გლობალურ ფორუმზე საქართველომ მიიღო მასწავლებელთა გლობალური ჯილდოს აკრედიტაცია, - განაცხადა ქალბატონმა ნათიამ.

ფურცელაძემ ასევე ისაუბრა შერჩევის პროცესებსა და კრიტერიუმებზე და განმარტა, რომ შერჩევა ხუთ ეტაპად მიმდინარეობს და საბოლოოდ ფინალისტებს (ათეულს) ჟიური 18 კაციანი



შემადგენლობით გამოავლენს. ჟიური ყურადღებას ამახვილებს შემდეგ კრიტერიუმებზე: მოსწავლეების სწავლის შედეგების დინამიკა; სწავლების ინოვაციური და ეფექტური მიდგომების გამოყენება; ზოგადსაქცობრივი მოქალაქეობრივი ღირებულებებისა და პრინციპების სწავლება; საზოგადოებრივი აღიარება და სამოქალაქო აქტიურობა; პროფესიული განვითარება და გამოცდილების

გაზიარება. „ჩემი სურვილია, მასწავლებლებს მოტივაცია აუმაღლდეთ და ჩაერთონ ამ კონკურსში. საზოგადოებას სჭირდება, გაიცნოს წარმატებული და შემოქმედებითი პედაგოგები. ვფიქრობ, ხარაგაულში ბევრი ასეთი ღირსეული კადრია და კარგი იქნება, ამ მეტად საინტერესო პროექტში თუ მიიღებენ მონაწილეობას.“ - განაცხადა ნათია ფურცელაძემ.

თამარ მაღრაძე

სარგავულში საგაზაფხულო სამუშაოები აქტიურად მიმდინარეობს

მუნიციპალიტეტში საგაზაფხულო სამუშაოები აქტიურად მიმდინარეობს. ამის შესახებ ინფორმაცია სოფლის მეურნეობის სამინისტროს ხარაგაულის საინფორმაციო-საკონსულტაციო სამსახურის უფროსმა ბონდო კიკნაველიძემ გვაცნობა. მისივე თქმით, ამ ეტაპზე 151 ჰექტარი მიწის ფართობია დამუშავებული და საერთო ჯამში მიმდინარე წელს მუნიციპალიტეტში 3856 ჰექტარი მიწა უნდა მოიხნას. კიკნაველიძის განმარტებით, 1 ჰა მიწის დახვნის ღირებულება 300 ლარია და მსურველებს 6 ერთეული ტრაქტორი გაუნეწეს მომსახურებას.

დამატებითი ინფორმაციისათვის შეგიძლიათ, დაუკავშირდეთ შპს „ხარაგაული 2011-ის“ დირექტორს, ოლეგ კაციტაძეს. ტელ: 555 54 80 54;



პირველკლასელთა რეგისტრაცია დაიწყო

2018-2019 სასწავლო წლისათვის პირველკლასელთა რეგისტრაცია 10 აპრილს დაიწყო და ივნისის ბოლოს დასრულდება. ზოგადი განათლების დაწყებით საფეხურზე სწავლის დაწყების უფლება აქვთ იმ მოსწავლეებს, რომელთა ასაკი შეესაბამება კანონით განსაზღვრულ მოთხოვნებს, ანუ სწავლის დაწყებისთვის უსრულდებათ 6 წელი.

საჯარო სკოლებში რეგისტრაცია სამ ეტაპად მიმდინარეობს:

I ეტაპზე, 10 აპრილიდან 27 აპრილის ჩათვლით, საჯარო სკოლაში დარეგისტრირება შეუძლია მათ, რომლის დამატაც სწავლობს ამ სკოლაში, ოჯახიდან ერთდროულად ორი ან მეტი ბავშვი შედის პირველ კლასში, ან მშობელი

ამავე სკოლის თანამშრომელია. მათთვის საბუთების წარდგენა 30 აპრილიდან 7 მაისის ჩათვლითაა შესაძლებელი. II ეტაპი საყოველთაო ელექტრონული რეგისტრაციაა, რომელიც 8 მაისიდან 8 ივნისის ჩათვლით, განათლების მართვის საინფორმაციო სისტემის ვებ-გვერდზე განხორციელდება.

I და II ეტაპზე მოსწავლის ჩასარიცხად აუცილებელი დოკუმენტების განსაზღვრულ ვადებში წარუდგენლობის შემთხვევაში, რეგისტრაცია ავტომატურად უქმდება.

III ეტაპზე რეგისტრაცია განხორციელდება სკოლაში II ეტაპის დასრულების შემდგომ გამოთავისუფლებულ ვაკანტურ ადგილებზე და განაცხადის გაკეთება 2 ივლისიდან 16 ივლისამდეა შესაძლებელი.